

## Pɔl saba cir kaplāŋ Timuti ye

### *Syaha fla*

<sup>1</sup> Ndoo Pɔl kē, ndoo wii n ma Yesu Crise tēnlɛhɛ. Yāhā gii ke ma wo Syayahafua, koo ke ra taha le na, koo tesē Yesu Crise ne, woo wii too koho taha yaha u na.

<sup>2</sup> N saba nwo yrūhū nɔ wāā mboo Timuti kē. Ma ma ra cīinde dya Yesu Crise kānde wo. Wo Tuhufua Yāhā tesē wo Yīŋfua Yesu Crise ne, ke ke kayī wāā ma kē tesē ke yrīŋ ne, ke ma fɛn di.

### *Mii yigi kawarfuafa kaklaha ne!*

<sup>3</sup> Tē naa n gaha Maseduanfa kāntraha na, ma ba ma yar lii ne, n ga ma laam too loo wī nen ya ne: Kuee Yefɛsyi wo, mpāy ma ke fla Yesu kāndeyārfa yawāhā wo, pe nawee-klaha kaklaha nkāy ter ne. Ma yai ma pe yar pe tyii. <sup>4</sup> Nkāy ke wee yīŋ ne ye mii ngbāy dyaŋ, pe yar pe tyii koo wāpāā na tesē faale wāɛ myar rii ne te yrūhū ta buarbruar. Koo ngī sē laa yō mii kaplāŋ wātyīn ya sē kē ye. Koo kaklaha ter sē n gaha Yāhā wī wācāŋ ne yaha ye ye. Yāhā n kɛ nawee- pe Yesu ta pe Yatɛr pe waha sya yaha.

<sup>5</sup> Ma'a yāā tē yee, ma pe yar pe tyii koo kaklaha ngī ter na, n n traha nawee- ntāŋ pe naa n dye pe ya tāy. Pe laam ma nii gbɛgbɛ, kai- nkāy pe cā ke sroŋ, pe ma n gaha koo kuɛ ye, pe ma Yesu ta pe Yatɛr laantee nen ne, loo na pe ntāŋ ga dye pe ya tāy. <sup>6</sup> Mpāy ma pe loo nde sye ma kuee kaplāŋ tyīn kai- nkāy na, yīŋ wee ke na ye. <sup>7</sup> Poofa mii, kānde lii Yāhā le ta, pe n traha pe nii nawee klahafa le ne.

Kai- nkāy pe -sē n pāā, poo gε sē ke war ye, kai- nkāy pe n traha pe naa nawee- klaha, pe sē maha ke war ye.

<sup>8</sup> Wo cā kānde lii Yāhā le ta, kayīī ne, le ma pye pe nawee- klaha le ne, mii Yāhā le yar mii. <sup>9</sup> Wo cā ma yee, mpāy pe sroŋ, kānde lii Yāhā le ta, le sē yi poo myaha ne ye. Le yi mpāy myaha ne pe ma kapeepyefa, mpāy ne pe sē n luhu Yāhā ye ye, mpāy ne pe pee, mpāy ne pe kāmpee yār, mpāy ne pe sē Yāhā gboho ye, pe sē maha Yāhā kai- yāŋ ye, mpāy ne pe pe tuhufa boo pe nahafa ne, mpāy ne pe ma naboofa, <sup>10</sup> mpāy ne pe sē fyar cā ye, mpāy ne pe n sāy pe naawai ne mpāy pe sē lε wa ye, mpāy ne pe yāmpa cāā troho, mpāy ne pe kawar fua, mpāy ne pe Yāhā ka n di, mpāy ne pe kai- nkāy pye ke sē wāā le cīinde kaklaha wūhū ne ye. <sup>11</sup> Koo cīinde kaklaha ngīī, le Yesu kapāyīī ke yar wo na, Yesu kapāyīī lii le wāā ra kē, n naa le tōr nawee- ye. Le Yāhā nayōr yar wo na, Yāhā gii ke ma kānkai- byε ne.

*Laantār rii Yāhā te pye yar Pɔl kē, te gboho*

<sup>12</sup> N syaha wāā wo Yīŋfua Yesu kē, woo wii tuu fānga wāā ra kē ta tēn laam wo. N syaha wāā u kē, woo wii tuu yee tē yai u tēn wātē ne, ma ra yāŋ yi n naa le tē. <sup>13</sup> N -sē nwo, faale wo, n sē naa wāyīī pāā u wīī na ye. Mpāy pe naa n taha u na, n naa pe nuhu, ta laam ba waha tεr. Loo naa byε ne, u ra yāŋ yi. Tē sē ba Yesu ta ra Yatεr ye, n sē ba cā kapee kē tē naa n pye ye, Yāhā n ra fεn di. <sup>14</sup> Wo Yīŋfua n kayīī pye ra kē, le n sya gboho tεr. Woo kē tuu ra ta ta n u ta ra Yatεr. Woo kē u ta ta ntāŋ n dye u tāy, ma yee nawee- byε ntāŋ pe waha dye ra tāy.

<sup>15</sup> Kapān laa nde, cīinde ne; nawee- byε yai pe le sya nuhu ne: Yesu Crise pa driyē wo kapeepyefa syayahasaha wo. Kapeepyefa laam wo, ndoo tē pee pe byε na. <sup>16</sup> Yāhā n le sya, ma ra fεn di. Loo nde yai wo le cā: Yāhā Yesu

Crise ta u le yar nawee- na, pe n waha cã Yãhã ke laam yĩn nawee- ne. Ta dyaŋ tẽ pye, kapeepyeŋ waa sã ba tɛr ra yaha ye, ke sã ke laam yĩn la ra ne? -Ye cã ye yee, ke ke laam yĩn nawee- ter byɛ ne. Loo na, mpãy pe ga ba Yesu ta pe Yatɛr, pe cĩinde yrã yãã, cĩinde yrã lii wãkuayãã wee le na ye, pe ga waha ra wĩ yãŋ, Yãhã ke laam yĩn ta ne mii, pe cã pe yee Yãhã ke laam yĩn nawee- ter byɛ ne. <sup>17</sup> Yĩŋfuangbãŋ wii u ma wãkuayãã wee u yĩnfar na ye, woo wii wãkuyãã wee u na ye, woo nwo nawee saa waha u yãã yĩnde ne ye, woo nen ya kã u ma cĩinde Yãhã, u miingbãŋ yai ke naa n yee yalebyɛ, u yai u naa n sey yalebyɛ, wãyɛryãã ma n pye le na ye. Amɛn, le nii ke syi.

<sup>18</sup> Timuti, ma ma ra dya Yesu Crise kãnde na. N ga ma yar waha laa ne. Yãhã kãmay na, kai- nkãy ke ba pãã yaha ma wĩ na, koo ma suhu lii ne tẽ ga yar ma na, ke wãã le. Loo ne nde: Taa Yesu ta ma Yatɛr mii, naa loo cĩinde wĩ yãŋ, kawar wũhũ nkãy ma n wlãhã le wo ye. <sup>19</sup> Ma'a n traha ma waha yia, taa Yesu ta ma Yatɛr mii, u ta yaha tãŋ ma Yatɛr koo syi! Kai- nkãy taa cã ke sron, naa koo ya pye! Mpãy pe koo wãpyeŋ sye, loo pe ta pe n plaha, ma Yesu kãnde miy yaha. <sup>20</sup> Yiimɛ pye pe ne tesã Lesyããnder ne. Poo nawee- syãm me, n tyii Setane na u waha pe fãy, pe n waha cã pe yee kaplãmpee- wãpãã Yãhã kã, le sã yã ye.

## 2

*Wo yai wo naa Yãhã nar nawee- byɛ kã!*

<sup>1</sup> N ga ye byɛ yar waha nde ne: Kai lii le ma yĩŋ, -ye naa n pãã Yãhã ye, ye naa ye yĩŋ wũhũ nar ke ye, -tee naa ke nar ye nampyeŋ- kã. Ke kayũhũ nkãy pye nawee- byɛ kã, -ye naa syaha wãã ke kã koo ngĩ wĩ ne! -Ye naa Yãhã nar koo syi nawee- ter byɛ kã! <sup>2</sup> -Ye naa Yãhã nar ke syi klo yahaseefa kã tesã fãngafa ne, wo n waha naa wo troho

tāhā laanfir ne, yrīŋ wo, too maha naa Yāhā myaha gboho, too naa wo troho tāhā Yāhā kānde wo laanyīn ne. <sup>3</sup> Loo nde yō, ma maha n tāy wo Syayahafua Yāhā ye. <sup>4</sup> Ye sē yāā, Yāhā n kε nawee- byε pe waha sya yaha, pe maha waha le Yāhā cīinde wīī cā. <sup>5</sup> Ye sē yāā, Yāhā neŋ ya kē ke ma, kusyiifua nen ya kē u ma Yāhā nsoho wo nawee-ne, woo kē Yesu Crise ne, u pye nawee wo wāŋ syi dyaŋ. <sup>6</sup> U le sya ma gbā ku, loo n nii wo byε wāsyayaha dir tuu dāā. Loo nde ta, Yāhā ke bii yale lii yar yaha Yesu gbā wīī na, loo yale le ba nɔ, poo gbā mii ta nawee- byε n cā ma yee, pe wāsyayaha wīī ma Yāhā laam wo. <sup>7</sup> Loo ne, ta n nii Yesu tēnlεhε, ma maha nii Yāhā tēntē, ma ga naa nawee-klaha, mpāy pe wee Yiifee- ye, pe n waha Yesu ta pe Yatεr, pe le Yāhā cīinde wīī cā. N sē kawar fua ye, cīinde ne tē n pāā.

<sup>8</sup> N n kε Yesu kāndeyārfa yawāhā teebεhε byε wo, pe naam pe naa n pāā Yāhā ne. Pe ma nii n pāā Yāhā ne, pe laam yai pe nii gbεgbε, pe ma n naa ncafūhū di ye, wāhā wīī laa ma n pye pe laam wo ye! <sup>9</sup> N maha le kε ca ye, pe naa faha wān le, faha wān tii syi nawee saa waha yīnde yi too pe na ye. Pe ma syi pe pe yīnde le yaha yīŋ wāfan wo, nsāāsugu ne, sān wān ne, tesē faha wān tii ne te dir te sroŋ gboho ye. <sup>10</sup> Too nde wāleŋ sē kē ke ma yīŋ ye. Kayīī wāpyeŋ loo le ma yīŋ. Kayīī wāpyeŋ loo le yai ca mpāy ne pe yee, poo Yāhā myaha gboho.

<sup>11</sup> Ca yai pe yaha le, pe yīŋ kor le, pe naa n luhu Yāhā kaplāŋ ye; pe yai pe tyii ke n naa n dye pe laam wo. <sup>12</sup> Cɔɔ woo sē yai u naa naa klaha Yāhā kaplāŋ ne ye, u sē yai u kuā tā naa na ye, u yai u naa laanyīn yāā. <sup>13</sup> Ye sē yāā, Yāhā cāā Dama tāhā, ma ba Awa tāhā kur kuε ye. <sup>14</sup> Dama sē kē tuu tyii u sāndāpee yīŋfua n u wlaŋ ye, cɔɔ kē tuu tyii u sāndāpee yīŋfua n u wlaŋ. Yāhā ke bii yee, pe ma n lii pye ye, u n le pye. <sup>15</sup> Ca -sē ga waha sya yaha kicar waa

wāsee wīī na. Pe -sē yai pe Yesu ta pe Yatɛr pe kuāŋ ne, pe tyii nawee- ntāŋ naa n dye pe tāy yalebyɛ, pe laam n nii gbɛgbɛ, pe naa n laha pe kānkai- byɛ wo.

### 3

#### *Yesu kāndeyārfa yawāhā yahaseefa*

<sup>1</sup> Kapān laa nde, cīinde ne: Wii ma yee u Yesu kāndeyārfa yawāhā yahaseefua tēn syi kɛ, tēyīī ne u n kɛ. <sup>2</sup> Wii ma loo tēn tē, u yai u sron kai- byɛ wo; u yai u pye cɔɔ nen ya ne, u yīnde ma n pye cɔɔ waa ter na ye. U yai u u ya wāyigi cā. U yai u kai- cā. U yai u pyer n yō. U yai u nampay wāyigi cā. U yai u le Yāhā kaplāŋ wāklaha cā nawee- ye. <sup>3</sup> U sē yai u tar sēm na ye. U sē yai u naa fānga yar nawee- na ye. U yai u naa n tāy nawee- ne. U sē yai u naa wāhā cɛr ye. U sē yai u ta, war wīī n gboho u laam wo ye. <sup>4</sup> U yai u u kahafa wāyigi cā, u yai u ta u pii naa n luhu u ye, pe maha naa u gboho. <sup>5</sup> Ma sē yāā, nawee ma yee u sē u kahafa wāyigi cā ye, u ga waha pye mii, u waha Yesu kāndeyārfa yawāhāfa yigi yō, poo mpāy pe ma Yāhā wām? <sup>6</sup> U sē yai u pye nafuē le Yesu kānde wo ye, mii loo sē ne ye, u ga waha yatar ta u ya na sāndāpee yīŋfua Setane wāŋ syi dyaŋ, Yāhā n u pēn. <sup>7</sup> U yai, mpāy pe wee Yesu kāndeyārfa ye, poo n cā pe yee u troho wātāhā ter yō. Mii loo sē ne ye, u wīī ga sye pe ye, u n waha gbe sāndāpee yīŋfua namihī na.

#### *Koholefa Yesu kāndeyārfa yawāhā yahaseefa ye*

<sup>8</sup> Mpāy pe koho le Yesu kāndeyārfa yawāhā yahaseefa ye, pe yai pe laha. Pe yai pe naa cīinde pāā. Pe sē yai pe tar sēm na ye. Pe sē yai pe naa wale kɛ dawar ne ye. <sup>9</sup> Pe Yesu ta pe Yatɛr, le Yāhā kapāyīī cīinde wīī lii le yar pe na, pe yai pe le yigi kluɛ sīī laantee nen ne. Kai- nkāy pe cā ke sron, pe naa koo pye. <sup>10</sup> Ye yai ye pe troho wātāhā ter yāŋ,

pe ma n sronj, ye cã pe taha loo tẽn nde na. <sup>11</sup> Pe ca bya, pe yai pe laha. Pe sẽn yai pe naa nawee- wãpee pãã ye. Pe yai pe pe ya wãyigi cã. Pe yai pe naa n sronj kai- byε wo. <sup>12</sup> Naa wii u koho le Yesu kãndeyãrfa yawãhã yahaseefa ye, u yai u pye cɔɔ nen ya ne, u yĩnde ma n pye cɔɔ waa ter na ye. U yai u u pii wãyigi cã tesẽn u kahafa byε ne. <sup>13</sup> Mpãy pe koho le Yesu kãndeyãrfa yawãhã yahaseefa ye, pe ma sronj pe tẽn wo, nawee- ga naa pe gboho. Yesu cĩnde wĩ lii pe sya laantee nen ne, pe ma nii loo pãã nawee- ye, pe ga waha le pãã naa n laha laanyĩn ne nawee- ye.

*Yãhã cĩnde wĩ lii waa sẽn* le cã yãã ye

<sup>14</sup> N saba nwo yrũhũ nɔ wãã ma kẽn, ma -sẽn n traha n ga ma yãnj plii nde na. <sup>15</sup> N ma ma- kuee tEr, saba nwo ga ma klaha laa ne: Yesu kãndeyãrfua yai u naa u troho tãhã mii u Yesu kãndeyãrwai ne, maa le cã. Poo ma mii tuhufua nen pii dyanj. Poo me, pe ma ke Yãhã kãndeyãrfa yawãhãfa, Yãhã gii ke ma yrãnj yalebyε. Poo me, Yãhã wãm. Ya'a yãã, le Yãhã cĩnde le soho Yesu kãndeyãrfa koho wo, poo me pe n sẽnj le na. <sup>16</sup> Cĩnde ne, kai lii le wo ta wo n Yãhã ta wo YatEr, waa saha le war ye. Le yĩnj wĩ gbaha, waa saha yee kangbãy sẽn ne ye.

U tege ba wo ye nawee kadye ne.

Yãhã Yrã le yar gbaa na u sronj.

U u ya yi yar yãhãyĩnj tẽnlehe na.

Kapãyĩ lii le u wĩ pãã,  
driyẽn kui byε le luhu.

Driyẽn kur byε wo,  
nawee- ter byε u ta pe YatEr.

Yãhã u kuã yir ga ta niisayũhũ wo  
yãhãyĩnj na.

## 4

*Kawar kaklahafa*

<sup>1</sup> Yāhā Yrā le yar laha ma yee: Mpāy ga ba dur yi kãā Yesu kãnde wo driyē kuayale wo. Pe ga ba naa n luhu yĩmbuhu nkāy ye, ke n pe kar naa n yaha. Pe ga ba naa n luhu sãndāpee kaplāṅ ye. <sup>2</sup> Loo ga ba pe ta, dawarfa tesē kawarfuafa ne, pe n pe plaha, pe n naa kāmpee yār. Poo dawarfa mii tesē pe kawarfuafa mii ne, pe ga ba nii, pe naa kapee- pye, pe kalaa saa pye ke na ye. Pe ga ba nii mii, Setane pe kayī wāpyeṅ suhu boo pe kē. <sup>3</sup> Poo kawar kaklahafa mii, pe nawee- klaha ma yee, cɔɔ wāsyāṅ sē yō ye, ma maha yee dir raa ma te wādiṅ sē yō ye. Ah too dir nde, Yāhā sē na ke re tãhã? Mpāy pe Yesu ta pe Yatɛr, ma cĩnde cã, pe ga waha syaha cãã wãã Yāhā kē, pe too dir di. <sup>4</sup> Ye sē yãã, Yāhā ke dir wãn tii byɛ tãhã, te byɛ yō; taa ter sē yai mboo Yesu kãndeyãrfua ma te sye ma yee, te ma tã ye. Te byɛ yai ma waha te di, taa -sē cãã syaha wãã Yāhā kē. <sup>5</sup> Yāhā kapãn tesē syaha wãwãã ne Yāhā kē, koo ke n pai wãn byɛ wāyōṅ ne Yāhā ye.

*Wii syi u ma Yesu Crise tẽntẽyõ*

<sup>6</sup> Ma'a koo kaklaha ngĩ yar pe Yesu kãndeyãrfa na, maa nii Yesu Crise tẽntẽyõ. Ma'a loo pye, nawee- ga cã pe yee, ma n poho Yāhā kapāyī ne, ma suhu cĩnde kaklaha nkāy ne raa yigi. Koo katɛ- syāṅ ngĩ ke kaa taha ma kacãn na Yāhā wũhũ kuɛ ye mii digi dyaṅ, ke ne kaa taha ma kadye fãnga na. <sup>7</sup> Ngbāy rii te sē cĩnde Yāhā wũhũ pãã ye, ma yai ma te wĩ sye. <sup>8</sup> Ma'a yĩṅ le Yāhā kai- na, maa ke cã laha, ma nii yĩmbui nen na Yāhā ne. Kadye wāsãhã gbar nawee kadye ya sãhã, yĩṅ sē -sē wee re na ke syi ye. Ma'a -sē nii yĩmbui nen na Yāhā ne, loo nde ma yĩṅ ne. Ma sē yãã, loo nde nawee ta u n nii yrãṅ na nanga, sukũhũ gaa byɛ ne. <sup>9</sup> Kapãn nde ma cĩnde, nawee- byɛ yai pe le sya

nuhu ne. <sup>10</sup>Loo ne, wo n nii Yāhā tēn tē yalebyε, ma maha sroŋ n kǎn ke wīi ne. Ye sē yāā, wo koho taha yaha Yāhā na, Yāhā gii koo neŋ ya ke ma yrāŋ, ma maha ma nawee-Syayahafua, nawee- mpāy byε pe Yesu ta pe Yatεr.

<sup>11</sup>Kai- ngīi byε klaha pe Yesu kǎndeyārfa yawāhāfa ye, taa pe yar waha, pe naa koo ngīi pye. <sup>12</sup>Taa ma naanfuē, ma'a syi ta waa n naa ma kloŋ loo nde wīi na ye. Ta, ma pyer n naa n yō, Yesu kǎndeyārfa n te yāŋ naa n gbe ma ye, ma yē kaplāŋ ne, ma troho wātāhā ter ne. Ta, nawee- byε ntāŋ n dye ma tǎy, -taa tyii ma laam n yō, Yesu kǎndeyārfa n naa n yāŋ ma na, ma Yesu wātaŋ ter ne ma Yatεr, ma laam gbεgbε ter ne.

<sup>13</sup>Naa ke Yāhā kaplāŋ kal Yesu kǎndeyārfa yawāhāfa telai wo nawee- byε yīnde na! Naa pe yar pe naa kǎnyīi yār! Naa pe klaha Yāhā kaplāŋ ne! Koo ngīi yigi ma naa ke pye, ta n sya ba dur ba. <sup>14</sup>Per gii Yesu kǎndeyārfa wāle pe ba kluε taha ma na, Yāhā ba kaplāŋ nkāy le waa laam wo ma wīi na u n ke tōr, ma yee Yāhā fāŋga gaa wāā ma kē. Koo fāŋga nge ta, ma naa Yāhā tēn tē! <sup>15</sup>Loo nde ya ta ma tēn, ma naa le tē yalebyε kayi ne, nuhu ne, le n naa n gaha ma ye yaha ye, nawee- byε n waha le yāā yīnde ne. <sup>16</sup>Kacān yāā mii na, taa ta ma troho wātāhā ter n naa n yō, ma kaklaha ke naa n nii cīinde kaklaha. Ma'a mii plāhā, ma nii ngīi pye yalebyε, ma ga sya yaha. Mpāy pe n luhu ma ye plii byε, pe bya ga naa pe troho tāhā ma wāŋ syi dyaŋ pe ba sya yaha.

## 5

*Yāhā tēntē* yai u Yesu kǎndeyārfa yigi mii?

<sup>1</sup>Ma'a syi ma naa n sā wāle na ye. Ma'a yee, mboo ga laantor le pe laam wo, ma naa pe yar mii nawee dyaŋ u tuhufa ne. Naa laantor le pe naanfām laam wo mii nawee



dyaŋ u cĩfa ne ma suhu u lɛfa ne. <sup>2</sup> Naa laantor le pe calɛ laam wo mii ma nahafa dyaŋ, pe cabii tesẽ pe capĩy ne mii nawee dyaŋ u syafa ne, -taa -sẽ mii wāyigi cā pe ne.

<sup>3</sup> Calangusyam mpāy nawee wee pe na ye, naa nagboho ta pe na, ma naa koho le pe ye! <sup>4</sup> Calangusya wii ma pye kicar ne tesẽ kur kuɛ pii ne, pe yai pe naa pe troho tãhã pe nahafua ne mii Yesu kãnde le yar mii. Pe yai pe naa kayũhũ pye pe nwonfa kẽ, pe seefa pe kayĩ lii pye tɛr pe kẽ, pe naa le kayĩ dur pe kẽ. Loo ne, le n tãy Yãhã ye. <sup>5</sup> Calangusya wii ma -sẽ pye, waa wee u na ye, u yĩntaha ma maha syii, u u koho taha yaha Yãhã na, u naa n pãã Yãhã ne ke yai ke yĩmper, u naa ke nar ke naa u koho soho. <sup>6</sup> Calangusya wii ma -sẽ kuee u laangapee wũhũ ya pye, tuu sya nwo u sã ku wa ye, u ma mii nakugu dyaŋ u kapee- koho wo. <sup>7</sup> Naa pe byɛ klaha kai- ngĩ byɛ ne, pe troho wãtãhã ter n yõ naa n tãŋ pe ye gbɛgbɛ. <sup>8</sup> Yesu kãndeyãrfua wii ma yee u sã u nwonfa yãŋ ye, u Yesu kãnde miy yaha. Woosyifua nwo pee wii na, u sã Yesu ta yãã u Yatɛr ye.

<sup>9</sup> Calangusya wii syi u myaha yai ke yrũhũ koho wãle wĩ na Yesu kãndeyãrfa yawãhãfa tẽn laam wo, u yai u pye dyɛ- gbeetãã syi. U yai u pye tuu nii tɛr puai nen ya ye. <sup>10</sup> U yai u pye miyũhũ ne kayũhũ kuɛ ye: Kicar wāyigiyõ syi, nampay wãgbihi ne, u pye u Yesu kãndeyãrwai tẽntẽle, u pye koholefua fɛnfa ye, kayĩ wĩ le naa n tãy u ye.

<sup>11</sup> Calangusyam mpāy yĩntaha ke sã syii ye, ma'a syi naa pe syi myar yrũhũ Yãhã tẽn wãtẽ wĩ na ye. Mii loo sã ne ye, naa waa wãgbe laam ma pe yigi, pe ga waha le Yãhã tẽn miy yaha loo nde wĩ na. <sup>12</sup> Pe ma yẽ tɛr Yãhã tẽn wãtẽ wĩ ne, ma ba le sye, le ga nii kapee pe ye. <sup>13</sup> Pe mii, laa tẽn wee pe na ye, pe ga pe ya ta nawee- klɛ kafa. Lii le

cã pee, pe yĕ kaplãŋ ga nihi tĕr, pe kalaa wee kai lii na ye, pe ga pe yĕ le le wo. Lii le maha wee wãpãã wĩ ye, pe ga naa loo pãã. <sup>14</sup> Loo ne ta n yee, calangusya wii u sĕ lĕ tĕr syihi wãsee na ye, n n kĕ naa waa ma yi usyi na, ma u gbe ta cɔɔ, le puar. U ma syihi yãã see, u ma u kaha yigi yĩ, wo napĩ saa waha laa wãpee yãã wo wĩ na u naa le pãã ye. <sup>15</sup> Ye sĕ yãã, calangusyam mpãy mii, pe le Yesu kãnyĩ miy yaha, ma Setane kãmpee gbe. <sup>16</sup> Yesu kãndeyãrfua wii ma pye u nawee waa ne tuu nii calangusya, u yai u naa koho le u ye, u ma n tyii u na u n nii teger Yesu kãndeyãrfa yawãhãfa ye ye. Calangusyam mpãy pe ma, waa wee pe na ye, pe yawãhãfa ga waha naa koho le poo ye.

<sup>17</sup> Wãlĕ mpãy pe ma pe Yesu kãndeyãrfa yawãhã yahasee ye, pe Yesu kãndeyãrfa yai pe naa nagboho ta pe na tesĕ pe naa pe dããn wãã pe kĕ. Poo me mpãy ne pe Yãhã kaplãŋ pãã pe Yesu kãndeyãrfa ye ma maha pe klaha. <sup>18</sup> Ye sĕ yãã, Yãhã sabangbãŋ wo, kapãn laa ma le yrũhũ ta mii nde dyaŋ:

«Pe naha gii ta ma yee  
ke dir pua tãhã naa n yi te syir wo,  
pe sĕ yai pe koo naha yĕ pua tã  
too dir nde na ye.»

Le maha yrũhũ ta ma yee: «Tĕntĕfua yai u dãã u dããn ne.» <sup>19</sup> Pe ma wãpee laa pãã taha yahaseefua waa na, nawee- syãm laa na nawee- tãã syi gĕ ma yee, pe sĕ le yãã yĩnde ne ye, ma'a n le sya ye. <sup>20</sup> Yahaseefa mpãy ma pua yaha kapee- wãpyeŋ na, ma naa le kuãn pe ne pe Yesu kãndeyãrfa byĕ yĩnde na. Loo ga ta pe byĕ n naa n fya. <sup>21</sup> Lii tĕ ga pãã waha ma ye Yãhã yĩnde na, Yesu Crise ne tesĕ pe yãhãyiŋ tĕnlĕhĕyĩm ne, loo ne nde: Nkãy tĕ ma yar, naa n pye ke syi, ma'a n yee maa dye waa kuĕ ye taa tyii waa na ye, ma'a n yee waa wĩ n tãy ma ye ma tĕr waa yaha ye! Naa cĩinde fla loo yãŋ!

<sup>22</sup> Ma'a Yāhā nar waa kē, ma'a n koho taha u na farfar ye. Wii ma kapee pye, ma'a n dye u kuε ye ye, naa mii yigi yalebyε kapee- kuε ye!

<sup>23</sup> Ma laha ke ma yaa, ma'a syi loho ya ta ma lawoŋ ye; defīi wō naa n wlāhā cacar, u ga ta dir saa naa n syā ma laha wo ye, ma n naa nii korkor.

<sup>24</sup> Mpāy kapee- ma, ma'a sya yee ma sē le fla naha ye, maa ke kapee- yāā gbaa na ufua tuu pye. Mpāy kapee- - sē ga waha pye ke sē n yāā gbaa na ye, ma'a le fla naha, maa cā ba ke yāā kur ye, ufua kapee- pye cīinde. <sup>25</sup> Kayūhū pyefa bya ma koo syi. Wii ma kayūhū pye, ke n yāā gbaa na. Ke ma sya yee, ke sē yāā gbaa na ye, ke saha kuee wam wo ye, ke ga ba naa n tōr nawee- byε n ke luhu per gaa.

## 6

<sup>1</sup> Mpāy pe ma yāmpa, pe yai pe naa cīinde nagboho ta pe yīŋfa na. Mii loo sē ne ye, nawee- mpāy ter ga waha naa Yāhā miipihī yee ma suhu wo kaklaha ne. <sup>2</sup> Yāmpa mpāy yīŋfa pe ma Yesu kāndeyārfa, poo yāmpa mii sē yai pe yee, poo tesē pe yīŋfa ne, poo ma mii Tuhufua nen pii dyaŋ, pe sye pe saa naa nagboho ta pe yīŋfa na nantāŋ ye. Le wee koo syi ye, pe yai pe cā pe tēn tē pe yīŋfa mpāy kē pe ma Yesu kāndeyārfa, pe yīŋfa ntāŋ maha dye pe tāy. Loo nde yai le waha pe yāmpa ta pe n pe yīŋfa wīi gbihi pye naa n yō.

*Kawar kaklaha tesē* wale wātāytεr wīi nawee- ye

Kai- nkāy taa yai ma naa n pāā nawee- ye, -taa naa pe klaha, koo kē tē tōr yar ma na. <sup>3</sup> Wii ma nii kaklaha gaa ter klaha ma nii n yee, woo sē yεr wo Yīŋfua Yesu Crise kaplāŋ na ye, koo kaplāŋ ngī ke nawee- troho wātāhā ter sroŋ, ma maha yee, woo sē yεr koo kaklaha nge na ye, koo gii ke sroŋ wo Yīŋfua Yesu wāta wīi ne wo Yatεr, <sup>4</sup> woofua

nwo ta yi u yataŋ ne, u sě maha laa gɛ cã ye. Nafãã kaplãŋ wãtyĩn tɛr u koho ne, u maha nawee- yě kɛ yalebyɛ. Loo nde n pai laanyar ne, wãhã wãcɛr ne, tyɛhɛ ne, nagblaha ne, nampyeŋ wãpee wãga ne. <sup>5</sup> Mpãy kacãn te kãã yi le Yãhã cĩnde kãnde wo, wãyɛr wee pe kaplãŋ wãtyĩn na ye. Pe le ga ma yee, wii ma Yãhã ta u Yatɛr, ufua ga waha wale kɛ loo nde flãhã tãy.

<sup>6</sup> Cĩnde ne, Yãhã laam wĩ wãpyeŋ ma gboho nawee laam wo, wangbãy laa sě tɛr loo nde yaha ye. Ufua saa naa laa kɛ nantãŋ ye. <sup>7</sup> Ye sě yãã, wo sě see ba ngaa ne drierĩ wo ye, wo maha wee too ga waha ngaa gbe ke laam wo wo tɛr ke ne wo kuper ye. <sup>8</sup> Wa'a nii wo yě digi yãã, tesě nayrɛ ne ma le n tã wo kadye na, laa sě maha kuee nantãŋ ye. <sup>9</sup> Mpãy pe yee poo n traha pe wangbãy kɛ, loo ne le pe tyĩn n gaha kapee- wãpyeŋ kuɛ ye. Pe laam wũhũ pee, ma nihi, yĩŋ maha wee ke na ye. Koo ngĩ syi kě, ke nawee ta u n gbe namihi na, u wĩ n klaha- tãŋ, u n maha u yĩŋ kɛ laa. <sup>10</sup> Ye sě yãã, wale wĩ ma gboho tɛr mboo wii laam wo, loo nde n pai kapee- ter byɛ ne. Mpãy wale wĩ ba gboho tɛr pe laam wo, ma pe ta pe n le Yãhã kãnyĩ fla miy yaha, ma maha pe laanyĩn byɛ pye klaha- pe ya kě.

### *P*ɔl Timuti yar kai- ne

<sup>11</sup> Mboo woo na Timuti, Yãhã nawee kě ma ne. Kai- nkãy tẽ pãã tɛr, ke byɛ yãã ma ke ta yaha. Ma yai ma kai- nkãy kɛ ke ngĩ: Kasron wãpyeŋ, wãpuayaha Yãhã wĩ na, Yesu wãta wĩ ne ma Yatɛr le n naa lɛ ma laam wo, nawee- ntãŋ wãdye wĩ ne ma tãy. Naa ma laam yĩn yalebyɛ, -taa ta pe naa n tãy. <sup>12</sup> Taa Yesu ta ma Yatɛr, loo fãnga gbe ma kapee- wãpyeŋ yia. Ma'a nii loo pye, cĩnde yrã lii wãkuayãã wee le na ye, maa le yãã. Yãhã ma yee yi loo nde na. Mboo gɛ sě le pãã la nawee- busãã yĩnde na ma yee, ma Yãhã Dya Yesu ta ma Yatɛr.

<sup>13</sup> Yāhā gii ke yrā le wān byε wo, koo tesē Yesu Crise ne, woo wii tuu le pāā Pōsyi Pilati yīnde na pe nawee- byε ne ma yee, woo kē Yāhā Dya, n ga nde pāā ma ye ke syāŋ yīnde na: <sup>14</sup> Le Yāhā kānde yigi kluε sī ne, -taa naa le yāŋ, ma'a syi kawar kaklaha n wlāhā le ne ye, wo Yīŋfua Yesu n sya ba dur ba. <sup>15</sup> Yāhā yale lii ta, le ma ba nɔ, ke ga u ta u n dur ba. Yāhā kē ke ma cīnde yahaseefua kai- byε wo, koo ya kē ke n pai yrīŋ ne. Koo kē ke ma fāngafa byε Fāngafua, ke ma yīŋfa byε Yīŋfua. <sup>16</sup> Ke ma, gbā saha crā gε crā ke na ye. Yāhā niisaha ma cāā- wo, cāā- mpāy syi nawee saha crā pe na ye. Nawee saha Yāhā yāā yīnde ne ye. Yāhā myaha yai nawee- ter byε pe naa ke gboho, koo gii wākuayāā wee ke fānga na ye. Amεn, le nii ke syi.

<sup>17</sup> Mpāy pe ma driyē nge wale ne, pe yar pe ma syi pe yataŋ ta pe ya na ye. Pe yar pe ma n koho taha naa n yaha pe wale ya na pe yee le gboho ye; wākuayāā ma le na, wāklahayāā bya ne. Pe yai pe koho taha naa n yaha Yāhā koo na, koo gii ke wo kē wān byε ne busāā, ma yee te naa wo wī yō. <sup>18</sup> Pe yar pe naa kayī pye, pe naa ke pye ke n gboho naa n nɔ pe wale wāgboho syi na, pe nii laantār ne, pe naa pe koho wān la nawee- ne laanfir ne. <sup>19</sup> Pe ma koo pye yalebyε, nangbān kē pe kε n ta Yāhā Yai wo; too nangbān wān nde syi sē waha n klaha- ye. Loo na, cīnde yrā lii wākuayāā wee le na ye, pe ga ba loo yāā.

<sup>20</sup> Dya, Yesu kapāyī kaklaha wūhū nkāy tē ma yar, ke ma ma koho wo, ke yigi yō. Kaplāŋ nkāy syi yīŋ wee ke na ye, nkāy syi ke ga maha waha nawee ta, u saa Yesu ta u Yatεr ye, ma'a n naa ma yē le ke syi wo ye! Kawar wūhū nkāy pe ta kacān wūhū, koo nkāy ke n yee, le Yāhā kapān wī wee cīnde ye, ma'a n naa ke syi luhu ye! <sup>21</sup> Ma sē yāā, mpāy pe yee poo ma too kacān nde syi cāfa, pe Yesu wāta pe Yatεr wī miy yaha.

Timuti saba cir 6:21

14

Timuti saba cir 6:21

Yãhã n laantãr yar ma na, mboo tesẽ mpãy ne pe ma ma ne.

YĀHĀ NAAMBIYĀRFĀN SABA

Karaboro, Eastern: YĀHĀ NAAMBIYĀRFĀN SABA New Testament  
copyright © 1993 Wycliffe Bible Translators, Inc.

Language: Eastern Karaboro

Contributor: WBT Central Zone

All rights reserved.

2020-11-17

---

PDF generated using Haiola and XeLaTeX on 14 Jun 2022 from source files dated 13 Jun  
2022

15120496-00e2-503a-8d40-2d7cfcfd1ba5b